

四庫

全書

四庫

全書

第七四〇册

四庫全書

●上海古籍出版社

本草綱目
卷之四
本冊目次

證類本草

宋唐慎微撰
曹孝忠校
寇宗奭衍義

.....一

卷之四

上海古籍出版社

欽定四庫全書

子部
證類本草卷一

詳校官太醫院使臣張鑑纂

編修臣倉聖脈覆勘

總校官編修臣王燕緒

校對官待詔臣胡士震

謄錄監生臣王麟

欽定四庫全書

子部五

證類本草

醫家類

提要

臣等謹案證類本草三十卷宋唐慎微撰案

陳振孫書錄解題載此書三十卷多大觀本

草晃公武讀書志則作証類本草三十二卷

亦題唐慎微撰是宋時已有兩本矣玉海載

紹興二十七年八月十五日王繼先上校定

欽定四庫全書

證類本草

大觀本草三十二卷釋音一卷詔秘書省修

潤付胃監鑲板行之則南宋且有官本然皆

未見其原刊今行於世者亦有兩本一為明

萬厯丁丑翻刻元大德壬寅宗文書院本前

有大觀二年仁和縣尉艾晟序稱其書三十

一卷目錄一卷集賢孫公得其本而善之命

官校正鑲板以廣其傳慎微不知何許人傳

其書者失其邑里族氏故不載焉陳氏所見

蓋此本故題曰大觀本草一為明成化戊子翻刻金泰和甲子晦明軒本前有宋政和六年提舉醫學賈孝忠序稱欽奉玉音使臣楊戡總工刊寫繼又命孝忠校正潤色之其改稱政和本草蓋由于此實一書也書末又有金皇統三年翰林學士宇文虛中政稱慎微字審元成都華陽人治病百不失一為士人療病不取一錢但以名方秘錄為請以此士

欽定四庫全書

醫部全錄
類本

人尤喜之每於經史諸書中得一藥名一方論必錄以告遂集為此書尚書左丞蒲傳正欲以執政恩例奏與一官拒而不受又稱元祐間虛中為兒童時見慎微治其父風毒預期某年月日再發緘方以俟臨期服之神驗則慎微始末虛中述之甚明蓋靖康以後內府圖籍悉入於金故陳振孫未見此本不知慎微何許人而晁公武所云三十二卷者殆

合目錄計之亦未見政和所刻也然考趙與

峕賓退錄則稱唐慎微蜀州晉原人世為醫

深於經方元祐間蜀帥李端伯招之居成都

嘗著証類備急本草三十二卷父歲序其書

謂慎微不知何許人故為表出蜀州今為崇

慶府云云所序履實小異豈虛中兒時見之

但知其寄籍歟大德中所刻大觀本作三十

一卷與父歲序所言合泰和中所刻政和本則

欽定四庫全書

醫部全錄
類本

以第三十一卷移於三十卷之前合為一卷

已非大觀之舊又有大定己酉麻革序及劉

祁跋並稱平陽張存惠增入寇宗奭本草衍

義則益非慎微之舊然考大德所刻大觀本

亦增入宗奭衍義與泰和本同蓋元代重刻

又從金本錄入也今以二本互校大德本於

朱書墨蓋葉原本每條稱墨蓋以下為慎微所續其式如今刻工所稱之魚尾

較為分明泰和本則多與條例不相應然刊

刻清整首末序跋完具則泰和本為勝今以

泰和著錄大德本則附見其名於此不別存

目焉乾隆十年月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

醫部全錄

四

重修證類本草序

自古人俞穴鍼石之法不大傳而後世亦鮮有得其妙者遂專用湯液丸粒理疾至於剗腸刮臆刮骨續筋之神奇以為別術所得終非神農家事雖聖哲審證以制方因方而見藥故方家言盛行而神農之經不可一朝而舍也其書大抵源於神農氏自神農氏而下名本草者固非一家又有所謂唐本蜀本者迄於有宋政和間天子留意生人乃命宏儒名醫詮定諸家之說為之圖繪使人驗其草木根莖花實之微與夫玉石金土蟲魚飛走之狀以辯其藥之真贋而易知為之類例使人別其物產風氣之殊宜君臣佐使之異用甘辛鹹苦酸之異味溫涼寒熱緩急有盡無盡之不同而易見其書始大備而加察馬行於中州者舊有解人龐氏本兵煙蕩析之餘所存無幾故人罕得悉窺今平陽張君魏卿惜其寢遼湮墜乃命工刻梓實因龐氏本仍附以寇氏行義比之舊本益備而加察焉書成過余屬為序引余謂

欽定四庫全書

醫部全錄

人之所甚重者生也衛生之資所甚急者藥也藥之考訂使無以乙亂丙誤用妄投之失者神農家書也開卷之際指掌斯見政如止水鑑形洪鐘谷響顧安所逃避其形聲哉養老慈幼之家固當家置一本況業醫者之流乎然其論者自梁陶隱居唐宋以來諸人備矣余言其贅于世固有無用之學無益之書余特嘉張君愛物之周用心之勤能為是大有益之書以登羣生以圖永久非若世之市兒販夫僥倖目前規規然專以利為也故

欽定四庫全書

醫部全錄
卷序

喜聞而樂道之君謹存惠字魏御歲己酉孟秋望日貽

溪麻菴信之序

政和新修經史證類備用本草序

成周六典列醫師於天官聚毒藥以共醫事蓋雖治道緒餘仁民愛物之意寓焉聖人有不能後也國朝闡神農書康濟斯民嘉祐中兩命儒臣圖經補注訓義剖治亦已詳矣而重熙累洽文物滋盛士之聞見益廣視前世書猶可緝熙而康續者蜀人唐慎微近以醫術稱因本草舊經衍以證類醫方之外旁撫經史至仙經道書下逮百家之說兼收並錄其義明其理博覽之者可以洞達臣因侍燕閒親奉玉音以謂此書實可垂濟迺詔節使臣楊戩總工刊寫繼又命臣校正而潤色之臣仰惟睿聖當天慈仁在宥誕振三墳躋民壽域肇設學校俾韋俗弊復詔天下進以奇方善術將為聖濟經以幸天下萬世臣以匪才叨列是職親臨淵谷而證類本草誠為治病之總括又得以釐而正之榮幸深矣謹奉明詔欽帥官聯朝夕講究刪繁緝紊務底厥理諸有援引誤謬則斷以經傳字畫鄙俚則正以字說餘或訛戾般

欽定四庫全書

醫部全錄
卷序

互繕錄之不當者又復隨筆刊正無慮數千遂完然為成書凡六十餘萬言請目以政和新修經史證類備用本草云政和六年九月一日提舉醫學曹孝忠謹序

欽定四庫全書

經類本草
原序

欽定四庫全書

證類本草卷一

宋 唐慎微 撰

序例上

輯傳界云按證類本草五石本草本為歌而
真元本草者為指藥中草類最多也

嘉祐補注總敘

舊說本草經神農所作而不經見漢書藝文志亦無錄馬平帝紀云元始五年舉天下通知方術本草者在所為駕一封軺傳遣詣京師樓護傳稱護少誦醫經本草

欽定四庫全書

經類本草
卷一

方術數十萬言本草之名蓋見於此而英公李世勣等注引班固敘黃帝內外經云本草石之寒溫原疾病之深淺此乃論經方之語而無本草之名惟梁七錄載神農本草三卷推以為始斯為失矣或疑其間所載生出郡縣有後漢地名者以為似張仲景華佗輩所為是又不然也淮南子云神農嘗百草之滋味一日而七十毒由是醫方興焉蓋上世未著文字師學相傳謂之本草兩漢以來名醫益衆張機華佗輩始因古學附以新說

通為編述本草錄是見於經錄然舊經才三卷藥止三百六十五種至梁陶隱居又進名醫別錄亦三百六十五種因而注釋分為七卷唐顯慶中監門衛長史蘇恭又摭其差謬表請刊定乃命司空英國公李勣等與恭恭考得失又增一百一十四種分門部類廣為二十卷世謂之唐本草國朝開寶中兩詔醫工劉翰道士馬志等相與撰集又取醫家常用有效者一百三十三種而附益之仍命翰林學士盧多遜李昉王祐扈蒙等重

工原珍用藥隨效輒記遂至增多舉見諸書浩博難究雖屢加刪定而去取非一或本經已載而所述粗略或俚俗常用而大醫未聞嚮非因事詳著則遺散多矣乃請因其疏語更為補注應諸家醫書藥譜所載物品功用並從採摭惟名近迂僻類乎怪誕則所不取自餘經史百家雖非方餌之急其間或有叅說藥驗較然可據者亦從收載務從該洽以副詔意凡名本草者非一家今以開寶重定本為正其分布卷類經注雜錄間以朱墨並從舊例不復釐改凡補注並據諸書所說其意義與舊文相參者則從刪削以避重複其舊已著見而意有未完後書復言亦俱存之欲詳而易曉仍每條並以朱書其端云臣等謹按某書云某事其列立條者則解於其末云見某書凡所引書以唐蜀二本草為先他書則以所著先後為次第凡書舊名本草者今所引用但著其所著人名曰某人惟唐蜀本則曰唐本云蜀本云凡字朱墨之別所謂神農本草經者以朱字名醫因神

農舊條而有增補者以墨字間於朱字餘所增者皆別立條並以墨字凡陶隱居所進者謂之名醫別錄並以其注附於末凡顯慶所增者亦注其末曰唐本先附凡開寶所增者亦注其末曰今附凡今所增補舊經未有者於逐條後開列云新補凡藥舊分上中下三品今之新補難於詳難但以類附見如綠礬次於礬石山薑花次於豆蔻扶移次於水楊之類是也凡藥有功用本經未見而舊注已曾引據今之所增但涉相類更不立條

欽定四庫全書

醫部全錄

四

並附本注之末曰續注如地衣附於垣禾燕覆附於通草馬藻附於海藻之類是也凡舊注出於陶氏者曰陶隱居云出於顯慶者曰唐本注出於開寶者曰今注其開寶考據傳記者別曰今按今詳又按皆以朱字別於其端凡藥名本經已見而功用未備今有所益者亦附於本注之末凡藥有今世已常用而諸書未見無所辨證者如葫蘆巴海帶之類則請從太醫衆論參議別立為條曰新定舊藥九百八十三種新補八十二種附於

注者不預焉新定一十七種總新舊一千八十二條皆隨類粗釋推以十五凡則補注之意可見矣舊者開寶英公陶氏三序皆有義例所不可去仍載於首篇云

新舊藥合一千八十二種

三百六十種神農本草經

一百八十二種名醫別錄

一百一十四種唐本先附

一百三十三種今附

欽定四庫全書

醫部全錄

五

一百九十四種有名未用

八十二種新補

一十七種新定

本草圖經序

昔神農嘗百草之滋味以採萬民之疾苦後世師祖由是本草之學興焉漢魏以來名醫相繼傳其書者則有吳普李當之藥錄陶隱居蘇恭等注解國初兩詔近臣總領上醫彙集諸家之說則有開寶重定本草其言藥

之良毒性之寒溫味之甘苦可謂備且詳矣然而五方物產風氣異宜名類既多屢爲難別以他昧當靡燕以薺芘亂人參古人猶且患之況今醫師所用皆出於市賈市賈所得蓋自山野之人隨時採獲無復究其所從來以此爲瘳欲其中病不亦達乎昔唐永徽中剛定本草之外復有圖經相輔而行圖以載其形色經以釋其同異而明皇御製又有天寶單方藥圖皆所以欽物真濫使人易知原珍處方有所依據二書失傳且久散落

欽定四庫全書

藥類本草

六

殆盡雖鴻都祕府亦無其本天寶方書但存一卷類例粗見本末可尋宜乎聖君哲輔留意於蒐輯也先是詔命儒臣重校神農本草等凡八書光祿卿直祕閣臣禹錫尚書祠部郎中祕閣校理臣億太常博士集賢校理臣頌殿中丞臣檢光祿寺丞臣保衡相次被選仍領醫官秦宗古朱有章等編繹累年既而補注本草成書奏御又詔天下郡縣圖上所產藥本用永徽故事重命編述臣禹錫以謂考正羣書資衆見則其功易就論著文

宇出異手則其體不一今天下所上繪事十名其解說物類皆據世醫之所聞見事有詳略言多鄙俚向非專一整此線飾以文則前後不倫披尋難曉乃以臣頌向嘗刻意此書於是達言奏請俾專撰述臣頌既被旨則哀集衆說類聚詮次粗有條目其間玉石金土之名草木蟲魚之別有一物而雜出諸郡者有同名而形類全別者則參用古今之說互相發明其萎梗之細大華實之榮落雖與舊說相戾並兼有之崖略不備則稍援舊

欽定四庫全書

藥類本草

七

注以成文意注又不足乃更旁引經史及方書小說以條悉其本原若陸英爲薊藿花則據爾雅之訓以言之諸香本同則用嶺表錄異以證之類是也生出郡縣則以本經爲先今時所宜火之若芩絲生於朝鮮今則出於宛句翼獨生於少室今乃來自三蜀之類是也收採時月有不同者亦兩存其說若赤箭本經但著採根今乃并取莖苗之類是也生於外夷者則據今傳聞或用書傳所載若玉屑玉泉今人但云玉出於于闐不究所

得之因乃用平居誨行程記為質之類是也藥有上中下品皆用本經為次第其性類相近而人未的識或出於遠方莫能形似者但於前條附之若漫疏附於拘杞琥珀附於茯苓之類是也又古方書所載簡而要者昔人已述其明驗今世亦常用之及今諸郡醫工所陳經效之藥皆并載其方用天寶之例也自餘書傳所無今醫又不能解則不敢以臆說淺見傳會其文故但闕而不錄又有今醫所用而舊經不載者並以類次系於末

欽定四庫全書

經方本義

卷曰本經外類其間功用尤著與舊名附近者則次於逐條載之若通脫次於木通石蛇次於石解之類是也總二十卷目錄一卷撰次甫就將備親覽恭惟主上以至仁厚德涵養注類一物失所則為之惻然且謂札瘥薦臻四時代有救恤之急無先醫術至歲屢救近臣雖校收黃內經重定鍼灸俞穴並範金揭石或樓板聯編憫南方蠱惑之妖於是作廢歷善教方以賜之思下民實用之闕於是作簡要濟衆方以示之今復廣藥譜之

未備圖地產之所宜物色萬殊指掌斯見將使合和者得十全之效飲餌者無未達之疑納斯民於壽康名和氣於穹壤太平之致茲有助焉臣學不該通職預編述仰奉宸旨深愧寡聞嘉祐六年九月日朝奉郎太常博士充集賢校理新差知穎州軍州兼管內勸農及管內開治溝洫河道事騎都尉偕紫臣錄頌謹上

開寶重定序

三墳之書神農預其一百藥既辦本草存其錄舊經三

欽定四庫全書

經方本義

九

卷世所流傳名醫別錄互為編纂至梁貞白先生陶景乃以別錄參其本經朱墨雜書時謂明白而又考後功用為之注釋列為七卷南國行馬遠乎有唐別如叅校增藥餘八百味添注為二十一卷本經漏功則補之陶氏誤說則證之然而載歷年祀又踰四百朱字墨字無本得同舊注新注其文互闕非聖主撫大同之運未無疆之休其何以改而正之哉乃命重考傳誤刊為定本類例非允從而華馬至如筆頭灰免毫也而在草部今

移附兔頭骨之下半天河地漿昏水也亦在草部今移
附土石類之間敗鼓皮移附於獸皮胡桐淚改徙於木
類紫鑛亦木也自玉石品而取馬伏翼實禽也由蟲魚
部而移馬楯袖附於果實食鹽附於光鹽生薑乾薑同
歸一說至於雞腸蕪其陸英胡蘆以類相似從而附之
仍採陳藏器拾遺考含光音義或討源於別本或傳改
於醫家參而較之辨其臧否至如突屈白舊說灰類今
是本根天麻根解似赤箭今又全異去非取是時立新
欽定四庫全書

卷一 本草

十

條自餘刊正不可悉數下採衆議定為印板乃以白字
為神農所說墨字為名醫所傳唐附今附各加顯注詳
其解釋審其形性證謬誤而辨之者署為今注考又記
而述之者又為今按義既判定理亦詳明今以新舊藥
合九百八十三種并目錄二十一卷廣頌天下傳而行
馬

唐本序

種部中
孔志約撰

蓋聞天地之大德曰生運陰陽以播物含靈之所保曰

命資專育以盡年蟄穴棲巢感物之情蓋寡範金揉木
逐欲之道方滋而五味或與時味甘辛之節六氣斯沴
易愆寒燠之宜中外交侵形神分戰飲食同憂成腸胃
之昔風濕候隙攜手足之災機當作纏膚膝莫如救止
漸固膏肓期於天折暨矣暉紀物議藥石之功雲瑞名
官窮診候之術草木咸得其性鬼神無所遁情剗腐剗
犀驅淺邪惡飛丹煉石引納清和大庇蒼生普濟黔首
功俾造化恩邁裁成日用不知於今是賴歧和彭緩騰
欽定四庫全書

卷一 本草

十一

絕執於前李華張吳振英聲於後昔秦政煨燔茲經不
預永嘉喪亂斯道尚存梁陶景雅好攝生研精藥術以
為本草經者神農之所作不刊之書也惜其年代浸遠
簡編殘蠹與桐雷衆記頗或路駭興言撰輯勒成一家
亦以瑣瑣經方潤色醫業然而時鐘鼎時聞見闕於殊
方事非僉議詮釋拘於獨學至如重建平之防已棄槐
里之車夏秋採榆仁冬收雲實膠梁米之黃白混荊子
之牡莢異紫莖於雞腸合由跋於鴛尾防葵狼毒妄曰

同根鉤吻黃精引為連類鉛錫莫辨橙柚不分凡此比例益亦多矣自時厥後以迄於今雖方技分鑪名醫繼軌更相祖述罕能釐正乃復採杜衡於及已求忍冬於絡石捨陟釐而取薊蕪退飛廉而用馬薊承疑行妄曾無有覺疾瘳多殆良深慨歎既而朝議郎行右監門府長史騎都尉臣蘇恭撫陶氏之乖連辨俗用之純素遂表請修定深副聖懷乃詔太尉揚州都督監修國史上柱國趙國公臣元忌太中大夫行尚藥奉御臣許孝崇等二十二人與蘇恭詳撰竊以動植形生因方舛性春秋節變感氣殊功雖其本土則質同而效異非於採摘乃物是而時非名實既爽寒溫多謬用之凡庶其欺已甚施之君父逆莫大焉於是上稟神規下詢衆議普頒天下營求藥物羽毛鱗介無遠不臻根莖花實有名咸購遂乃詳探秘要博綜方術本經雖闕有驗必書別錄雖存無稽必正考其同異擇其去取鉛錫昭章定聲言之得失丹青綺煥備庶物之形容撰本草并圖經目錄

等凡成五十四卷

臣高錕等撰按蜀本草序作五十三卷及唐吳公進本草表云勅成本草

卷一英公序云撰本草并圖經目錄等凡成五十三卷據此三者合作五十三卷又撰李含元本草音義云正經二十卷目錄一卷又別立圖二十五卷目錄一卷圖經七卷凡五十四卷庶以綱羅今古開滌耳目盡醫方之妙極拯生靈之性命傳萬祀而無昧懸百王而不朽

梁陶隱居序

隱居先生在平茅山巖嶺之上以吐納餘暇頗遊意方技覽本草藥性以為盡聖人之心故撰而論之舊說皆

欽定四庫全書

經部

十三

稱神農本經余以為信然昔神農氏之王天下也畫八卦以通鬼神之情造耕種以省殺生之弊宣藥療疾以拯夭傷之命此三道者歷衆聖而滿彰文王孔子象象繇辭幽贊人天后援伊尹播厥百穀惠被羣生岐黃彭扁振揚輔導恩流含氣並歲踰三千民到於今賴之但軒轅以前文字未傳如六爻指垂畫象揲蓍即事成迹至於藥性所主當以記識相因不爾何由得聞至於桐雷乃著在於編簡此書應與素問同類但後人多更修

師之爾泰皇所焚醫方卜術不預故猶得全錄而遺漢

獻遠徒曾懷奉道文籍焚靡臣為錫等謹按唐本亦作四卷

今之所存有此四卷臣為錫等謹按唐本亦作四卷

錄合四卷今按四字當作三傳為之誤也何則按渠七

錄云神農本草三卷又據今本經圖序後宋書云本草

經卷上云中卷下卷上注云序藥性之源本論病名之

形於卷中云玉石草木三品卷下云蟲獸藥食米食三

品即不云三卷外別有序詳明如前據其所以是其本經

所出郡縣乃後漢時制欽仲景元化等所記又有桐君

採藥錄說其花葉形色藥對四卷論其佐使相須魏晉

欽定四庫全書臣為錫等謹按唐本注云唐廣

已來吳普臣為錫等謹按唐本注云唐廣

搜按唐本注云華佗弟子等更復損益或五百九十五

或四百四十一或三百一十九或三品混糅冷熱錯

草石不分蟲獸無辨且所主治互有得失醫家不能備

見則識智有淺深今輒苞綜諸經研括煩省以神農本

經三品合三百六十五為主又進名醫別品亦三百六

十五合七百三十種精荒皆取無復遺落分別科條區

吟音朴物類兼注詔音時用土地所出及仙經道術所須

并此序錄合為七卷雖未足追踵前良蓋亦一家撰製

吾去世之後可貽諸知音爾

本草經卷上序藥性之源本論病名之

本草經卷中形於卷中云玉石草木三品

本草經卷下品有草木蟲獸三品

右三卷其中下二卷藥合七百三十種各別有目錄並

朱墨雜書并子注今天書分為七卷唐本注漢書文

綱目論云經方者本草石之寒溫原疾病之源淺乃班

固論經方之語而無本草之名惟藥七錄自神農本草

欽定四庫全書臣為錫等謹按唐本注云唐廣

外諸藥石不分蟲獸無辨且所主治互有得失醫家不能備

見則識智有淺深今輒苞綜諸經研括煩省以神農本

經三品合三百六十五為主又進名醫別品亦三百六

十五合七百三十種精荒皆取無復遺落分別科條區

中藥一百二十種為臣主養性以應人無毒有毒斟酌

其宜欲遏病補虛羸者本中經

下藥一百二十五種為佐使主治病以應地多毒不可
久服欲除寒熱邪氣破積聚愈疾者本下經

三品合三百六十五種法三百六十五度一度應一日

以成一歲倍其數合七百三十名也臣禹錫等謹按本草名醫別錄以墨書神農本草經藥三百六十五種今此言傷其數合七百三十名是併名醫別錄別品而言也則此一節別錄之文也當作墨書矣蓋神農經又未盡錄龍之所收耳遂令後世覽之者搖撼此類以謂非神農之書乃後人附記之文者率以此故也

右本說如此今按上品藥性亦皆能遺疾但其勢力和

欽定四庫全書

卷一 經方本

十六

厚不為倉卒之效然而歲月常服必獲大益病既愈矣
命亦兼申天道仁育故云應天一百二十種者當謂寅
卯辰巳之月法萬物生榮時也

中品藥性療病之辭漸深輕身之說稍薄於服之者祛
患當速而延齡為緩人懷性情故云應人一百二十種
者當謂午未申酉之月法萬物成熟時也

下品藥性專主攻擊毒烈之氣傾損中和不可常服疾
愈即止地體收殺故云應地一百三十五種者當謂戌

亥子丑之月法萬物枯藏時也兼以閏之盈數加之凡
合和之體不必偏用之自隨人患參而共行但君臣配

隸依後所說若單服之者所不論爾

藥有君臣佐使以相宣攝合和宜用一君二臣三使五

佐又可一君三臣九佐使也

右本說如此今按用藥猶如立人之制若多君少臣多
臣少佐則氣力不周而檢仙經世俗諸方亦不必皆爾

大抵養命之藥則多君養性之藥則多臣療病之藥則

欽定四庫全書

卷一 經方本

十七

多佐猶依本性所主而兼復斟酌詳用此者蓋當為善
又恐上品君中復各有貴賤譬如列國諸侯雖並得稱
制而猶歸宗周臣佐之中亦當如此所以門冬遠志別
有君臣甘草國老大黃將軍明其優劣皆不同秩自非
農岐之徒孰敢詮正正應領略輕重為其分劑也

藥有陰陽配合臣禹錫等謹按醫本注云凡天地萬物皆有陰陽故毛羽之類皆生於陽而屬於陰鱗介之類皆生於陰而屬於陽所以宜貴法本於色青而主肝母法本於色赤而主心實母法本於色白而主肺實母法本於色黑而主腎陰皆以此

法大故色赤而主心實母法本於色白而主肺實母法本於色黑而主腎陰皆以此